

民國六年春仲

外科問畲

葉高崧署



序

余素讀岐黃家言苦無師承莫探奧窔且古今醫書浩瀚已覺泛覽維艱近復東西醫書譯行於世名詞多新益難解了其中之良法奧旨西之新理名言開卷茫如於何索解而今之懸壺者大都一知半識謀食不暇遑明至理澄江高憩雲先生學貫中西科通內外早歲聞名鄉里久擅郭玉之鍼迨至施醫津門共神華陀之術曾一行作吏性情因不合於時趨遂三折其肱研究更驗夫實地其於外科一門尤有心得著有外科醫鏡三字經多種故略諸內而詳諸外恃許子之不憚煩可得解而不得宣豈允宗之爲言意析疑問難勝讀十年之書隨筆彙存已逾百條之記良補前書之未備更多新義之發明以先知覺後知以先覺覺後覺通今博古雖非旦夕所可期而取西補中知必權輿之在此爰請於先生增諸前書之末以公同好而示來茲先生曰可屬誌其緣起如右

光緒丙午冬月紫荆花館主人題於津門腐廬

外科問答序

憶自髫年從師習醫專攻內科於外科未窺堂奧臨症常以知內不知外爲憾
憩雲先生家學源淵由內科臟腑經絡致力外科出其刀圭無不奏效所著外科
問答純用西學發明中醫參觀互證動中奧窔洵能啓後學進步予與
先生爲知己友常相過訪受益甚多乃爲之序

光緒丁未年荷月

弟 靜畬章恩培謹識



外科問答引

甚矣醫學之難也立一方看一症與人身命攸關雖曰小道其責任不亦重且大哉我國醫學腐敗極矣而於外科爲尤甚推其致敗之由皆緣世少專書病多汚穢人皆視爲小道薄而不爲所以高尚者不屑學迂拘者不能學心粗者不可學胆小者不敢學明敏者不專學即有一二學者類都家傳衣鉢或襲取成方爲衣食之謀鮮肯深造遂成今日腐敗之勢而我國民性質咸喜新惡舊見西醫之滌腸剖腦莫不驚爲神奇不知我上古俞跗以及扁鵲倉公諸子即有此法漢之華陀亦精斯術惜其書失傳其弟子吳普樊阿輩復繼述無聞晉唐迄今遂無傳者致讓西人獨步今秋丁君子良存胞與懷明合羣益創醫藥研究會於津門僕也猥蒙不棄濫廁其間學淺才疎曷勝歉仄夫研究者研究受病之原因與夫療病之方法僕於醫學苦乏師承莫探奧窔自謂於外科一門少有心得幸諸君子聚集於斯爰不揣謏陋纂成外科問答一書就正有道雖詞粗意鄙未免貽笑方家

天津華新印刷局代印

然由淺入深於初學不無裨助云爾尙祈

子翁諸君攷錯指疵匡我不逮則幸甚是爲引時在

光緒三十二年冬至月澄江高思敬憩雲氏識於天津蠓居草堂之南窗下



外科問答

澄江高思敬憩雲甫著

男

本守建
藩孫
振騰
霄參訂

石灃
峻峯
孔瑞芝
友蘭

張際和
紹山
吳祖昆
仲邕

王霖作
春田
郭裕曾
季賢

譙淮
筱齋
金士珍
少林

張筱亭
觀瀛
楊福先
念安

陳光藻
少林
高令牲
述卿

婁榮光
晉賢
陸金鰲
海峯

李恩第
錫卿
于寶樞
仰宸

孫其斌
洪年
鮑世慶
雲卿

吳斌
菊亭
邊春林
幼三

受業

金臺丁國瑞子良校正
章武後學張義人校閱

彙編

一問方今寰球交通東西醫士或立病院或設藥房方挾其術以行於吾國而吾同胞性質凡百道藝咸以外至為新奇以致患病者多舍中而就外求治日多信



從愈衆將來我國醫士不幾無人過問乎

答我國人民號稱四萬萬豈僅數千西醫所能畢治耶如彼技能果出我上乃我同胞幸福亦何慮其多哉第恐來之未必皆良耳

二問東西醫書分外症爲外炎症爲膿瘡爲潰瘡爲死肉症骨症瘤症僅此數項能賅括一切癰疽乎

答不能此特指其大綱彼國必有專書惜吾國無人譯行耳

三問西醫治內症全仗藥水丹丸外症善用刀割鋸斷其藥水能統治百病否

答藥水不能統治百病要知症有千般方有萬變僅藉丹丸藥水豈能包括病情若外症應用刀鋸亦視見症何如耳若動用割割恐於經絡有礙

四問西醫治內外諸病竟有立時見效者亦有絕不奏功者其故安在

答醫之用藥如將用兵用之當則破壘擒王否則譬如廣設虛圍以冀一遇欲其奏功難矣雖中西治療各異其理則同

五問中醫有醉心西法有訾議西法者不知孰是

答西法於剖割一術最精亦頗多可採處餘亦有爲中醫所不能者其醉心與訾議者均屬偏見宜採其長補吾不及奚可舍己從人惟並重之不宜偏焉可也六問西人稱醫爲格致一門至尊且貴我國人薄爲賤役以爲熟讀湯頭略通靈素便可出而問世何我國視之如此之易彼視爲如此之難其故安在

答醫本淵微此中奧旨實畢生不能殫之業吾聞西人最重衛生學故視此道最爲尊貴非如中醫略讀湯頭率爾操觚者比

七問西醫解剖之學其來已久其論人身內臟部位悉從實驗得來較中醫意揣而得者自勝如左肺右肝西醫確有切實憑證中醫反指爲不經三焦爲無形之氣上焦如霧中焦如漚下焦如瀆許多謬說西醫目爲癡人說夢中醫奉爲玉律金科沿誤至今無人駁正將來迷途不返愈傳愈訛不幾如萬重雲霧永無見天之一日吾觀西人全體新論一書其於人身骨節臟腑部位論之綦詳較吾國舊



有之銅人圖何如請闢舊說之謬而正其是

答吾聞西國古時有用活物獻祭之事乃解剖學之肇端故其時解剖者多用獸而解剖人身之事則起於吾國周赧王時哀及國王令二醫者解剖人屍并於亞力山大城內立一解剖醫學而天下學醫者皆赴之後五六百年其學中衰而醫之一道惟寄與遊醫與神父之手歐洲醫學約有千年人皆在黑暗中後因亞洲天方國之學始明醫道厥後意大利名醫輩出精研其術日進無已後經各國古今多數醫者討論研求所有人身內外精微之處無不發明盡致每治一症不得其法必於其人死後解剖之詳究致病之處復以化學驗其病之喜畏後遇此等症即以其藥治之其精研也如此似彼治法宜無病不瘳矣而死者仍不少何耶豈於感變盈虛之間尙多未得其法歟予故謂人身臟腑部位以及西醫所論之脈管血管等說宜師彼長而補銅人圖中之所未備吾國古今醫書浩瀚雖於臟腑部位不無逆臆之說貽誤後人而於七情六淫以及受病原因發揮至爲詳盡

有非泰西醫學所可企及者嘗考中國諸書所論臟腑經脈與西醫之全體解剖圖所說似較中醫透徹然行血之動脈枝脈並命門之發源以及迴腸直腸精蟲等均爲我國所未發明者此宜增改其所未有也至若吾人左肝右肺之說本內經肝氣從左上升肺氣從右下降後人誤解以爲肝必藏左肺必居右也不知內經但論此中氣化並未說形何可渾解其實肺果偏左肝原偏右予非隨聲附和動人聽聞要不外有至理在若稱三焦爲無形之氣本屬揣測之辭上焦如霧中焦如漚下焦如瀆尤爲無稽之論夫三焦者即五臟六腑上之網油臟腑藉此互相聯絡互通聲氣若無此即爾爲爾我爲我其三陰三陽不幾隔絕無處交通乎王勳臣辦之切而言之詳矣况手少陽三焦與厥陰心胞天然配偶何以故心胞即裏心君之黃脂膜三焦乃聯各臟腑之黃網油而且各有功能各有俞穴何得謂無形之氣後人誤解經文錯謬處不止一端有令人指不勝屈者殆亦非一時所能盡闡耶現在西醫之解剖圖說並各種醫書譯行於世者甚多學者薈萃中

西參觀而互證之自不致摠填冥行將大放光明於醫界鄙人之一知半解亦何裨於高深總之破壞其所固有不如修改其所本能也古云能知變法始曰良師學西醫者不可謂今醫不良並誣古人學中醫者亦不可固執已見以爲彼不足道庶兩無所失矣况西人之解剖屍身雖部位無訛而人死則血凝其於感變盈虛消息又從何考察耶且病情萬變如傷寒傳經之症隨氣而化無迹可尋此類非讀仲景諸書者不能詳辨此中消息亦豈可闕而不講歟是在善學者取彼之長補我之短焉

八問中西醫者於外治一門孰難孰易

答西醫治療均有定法凡遇症之必須剖割者或用催眠術或用蒙汗藥令病者昏沉不知以施剖割西人信醫最深更服從其命令罔敢或違雖死無怨醫者故有得心應手之效而吾國病家既不信醫醫者亦不識病平時不知講衛生病急猶亂投醫藥一醫不效更延他醫其症之非割療不爲功者則病家復多方遷就

迨至無可如何之時始肯受割而養癰貽患已不可收拾矣世人動曰庸醫殺人誰其辨之此中醫之難爲勝於西醫也

九問西醫技術果勝中醫乎

答西醫之剖腹滌腸割手截足以及論腦筋迴血管甜肉汁等說實開闢千古之奇可爲吾中醫取法者至論脈切病察形觀色辨別生死則不如中醫之詳盡也十問西醫言血管有三種一曰血脈管一曰迴血管一曰微絲管其說信否

答西醫剖割之術極精血管等說彼由實地考驗得來決非逆臆余常於病之開刀燙火鍼時細心體驗如碰傷微絲管血每後膿而出或膿出時稍帶血絲碰傷血脈管或迴血管血必先由膿旁流出較膿猶湧其血常多膿兩倍然吾中醫知此者甚鮮

十一問碰傷微絲管固無妨礙設碰傷迴血管並血脈管血流不止當用何法止之

天津華新印刷局代印
答無礙倘刀鍼拔出時血如泉湧切勿慌張速令病家取涼水半碗隨取草紙蘸涼水貼刀口一次不止連易三四次無不止者取水能制火之義倘聽其自流人必昏厥慎之

十二問西醫稱血由心經左房發源入脈管流布週身之內行至盡處即由微絲管過迴血管由迴血管返心右房週而復始其說信乎

答聞西醫有照體鏡能洞垣窺臟故知血由心經左房發源返右心房晝夜不息此說可補中醫之缺

十三問西醫稱炎症有發於外體有發於內藏此炎字當作何解

答西人熱症統稱為炎外體結腫為炎內臟疼痛亦為炎大概以血瘀不得流通因而結腫作痛也

十四問西醫稱大便閉結小洩黃赤脈至洪數舌苔黃此係熱症與中醫無甚差別第稱其症在肝痛應肩膊在心痛應左臂在髀白痛應於膝在膀胱小便頻數

在肺呼吸咳嗽皆痛在喉失音氣促在胃食物嘔吐在舌腫痛不知味在目朦朧赤痛在腸則瀉痢急痛在腦則昏亂失性此說可全宗乎

答此說未可全宗蓋西醫認定衆血管晝夜輪流不息有一處其血運流更急微絲管發大血之內輪疊聚愈聚愈多壅塞管徑之內此管被停血所逼血內明汁肉絲等物滲出管外其肉漸紅漸腫漸覺熱故統名爲炎症與內經所說諸瘡痛癢皆屬心火一語相似惟因何有一處不安血不運流爲何所阻因何發炎作痛均未發明其於七情六淫亦概置不講此中疵謬指不勝屈至論症在肝痛在肩膊在心應在左臂等說均注重在血發源在左心房血管迴管由上而下先走肩臂未免偏見閱者當舍短從長

十五問西人云炎在內部多方醫治不效用洋輕粉三四釐同鴉片二釐共作一粒每服一粒日三服服後齒肉浮腫口臭流血乃炎與藥相應此法是何命意耶答此法不過搜毒止痛無甚深意所說內部炎症如腸癰肺癰肝胃等癰內臟結

腫外必現微形如欬吐血沫沫極腥穢人皆謂肺癰其實肺葉焦爛名爲肺痿非肺癰也如係肺癰胸膈兩乳之上或左或右必微微隱腫及至成膿有高起一三三四分不等有大如手掌有大如中碟惟色白無頭膿最難辦予在養病醫院治過十餘歲小孩兩人膿成刺破膿出數盞不半月完功肝癰亦見過兩人在左右肋骨膿成瘡頭不大僅如錢許刺破出膿數盞亦十餘日完功大小腸癰亦見過數十均從外破得愈前後用藥悉遵古方從無貽誤此可不必取法於西也

十六問西醫善用割中醫善用刺割善乎刺善乎

答同一治病應割則割應刺則刺此中本分輕重中醫古時亦有割割一法惜其術失傳致令西醫獨步若論刀刺以及辨膿諸法本各有短長互有偏勝也

十七問中醫用刀用火鍼西醫未聞有火針一說

答膿淺用刀膿深用火鍼所謂因病而施西醫不知此法耳倘其知之亦必從而效之

十八問開刀用針有無分寸深淺抑任意戳刺乎

答開刀不過三四五分足矣若火鍼深自四五分至七八分一寸不等臨時量瘡深淺用之不能預定分寸

十九問同一破頭用刀與鍼之疼痛孰輕孰重

答祇論下手之快慢與刀鍼之鋒利否疼痛尙無甚輕重手快則不甚痛慢則病人吃虧多矣至用刀鍼手法具載醫鏡

二十問用刀較火鍼省事何不盡用刀而又用火鍼者曷故

答病應用刀者用火鍼亦可若應用火鍼者用刀則不可蓋用刀者膿必淺皮必薄改用火鍼瘡口不致開大用火針者改用刀稍一不慎碰傷筋脈必致潰爛淹纏難以收功故刀與針當因症而用之未可偏廢也

二十一問開刀時有碰傷血絡或傷筋脈血流不止用火針亦有此害否

答開刀碰傷絡脈在所不免若火針則無此害蓋火針燒熱戳之絡脈見熱則讓

縱對準絡脈下針亦不致傷筋斷絡也

二十二問近世外科有不用刀針亦能奏効者此又何故

答病者多怕疼痛醫復不善刀針惟用咬頭膏或降丹蝕破外搽提膿藥內服補藥調理得宜亦能收功惟稍遲慢耳鄙意以爲陽症不用刀針可也若陰症用此法恐蝕爛肌肉潰傷筋脈因循坐誤此不斃於病而斃於醫

二十三問王洪緒惡用刀針僅憑陽和湯犀黃丸統治陰陽兩症陸定圃亦詆外科擅用刀鍼累人殘廢是二說可宗乎抑否乎

答外科分陰陽兩症確是癰疽主腦其陰症用陽和湯陽症用犀黃丸陰陽相等症兩方並用法極簡便然症之千變萬化如謂兩方可以包括癰疽一切鄙人殊未敢信至王陸兩公惡用刀鍼乃膽怯識淺者流且不明刀鍼妙用耳

二十四問西人稱皮肉紅腫熱痛爲炎不論內外體皆有炎結蓄膿則爲瘡此中
有何分別